



05607

秋痕

南海陳子壯集生著

詩

依韻會懷五弟

海煙來不近三月意長懸送喜燈花際忘憂背樹  
邊小人思擊缶中婦解安絃江夏無雙譽何郎第  
五賢玉麟傳信蚤金粟注生前拍浪搗銅鼓飛花  
戲玉鞭興拖雲外瀑幽動竹間蟬往恨消聽鴈時  
名等逐羶縱橫遲六印感慨繫終篇艷說東西解  
平居日月泉有人閒伐桂無土不舒蓮若論紅顏  
在修琴賣藥年

陳文忠公遺集

練要堂卷二

一

送呂東川吏部得假奉其尊人歸蜀

傾蓋逢人蜀道閒交情千里卽追攀因知荀氏爲  
龍種不羨王陽整馭還夢起秋風吹畫角吟餘春  
酒上紅顏漢廷若論安車賜坐引僊郎第一班

報國寺

電火卮看不壞身高軒云是再來人勞勞相送還  
相迂碾盡空門浩劫塵

毘盧閣

三千法界紺光浮教識五城十二樓僧來指點前

朝事風起陵園草樹秋

愁是憶韓李二公

秋風客邸憶鱸魚堪哭南宮兩尚書匣裏有文空  
罵鬼山中無侶渺愁予

送陸季高歸平湖

有序

季高莊簡公季子也於先人有言游子羽之知  
在賤子卽慈明季方之好中間變遷離合者十  
餘年相見於京師道故念舊各自依依乃季高  
鳳毛未鍾年至倦遊致其詹事主簿而歸予以  
職事不及祖于潞河爲四絕句舅聲送之異日

陳文忠公遺集

練要堂卷二

二

扁舟弄珠樓下作謔浪小令也

千里龍駒歎路岐秋風一葉遂尊絲通家豈爲交  
遊絕此日山王非故知

二

曾倚桐鄉作故鄉十年耆舊話甘棠春風縱自栽  
槐棘不及湖陰一瓣香

三

白首微名掉不回多男多事亦何哉陶家紙筆看  
如許誰和高歌歸去來

四

煙雨渾如海上漚，月光長伴弄珠遊。功成何必逃  
名姓，任是龜蒙一釣舟。  
煙雨弄珠金樓名頗類吾鄉海珠

老來紅

河陽年少數秋風，投分元來金谷同。無限含情君  
不見，一生贏得老來紅。

九月十日過梁瑤石吏部同蕭寧齋侍御夜

酌

似有佳期望翠微，可無尊酒洽隣扉。客情澹蕩輕  
過節，人事叅差未拂衣。秉燭慣談三兩局，防秋新  
報數重圍。還持共照黃花鬢，北斗闌干海月輝。

陳文忠公遺集

練要堂卷二

三

相逢曲

何許風花不出遊，黃金偏壓少年頭。長安大道相  
逢日，便作登臨一樣秋。

小病戲呈梁瑤石

對酒當歌卽二豪，秋華作艷助蕭騷。揮杯偶怯看  
蛇影，匿甕何妨問蟹螯。坐嘯封章長樂曉，沉吟思  
發廣陵濤。亦知昨夜清商曲，目送關河雁字高。

依韻荅懷徐木之

斗酒三城易往還，竹林樂地許誰班。海濤欲試鍾  
期耳，梁月應逢李白顏。暢叙幽懷兼近宅，美遊清

夜幾留關著書未向西河老得有移文自故山

二

別墅因依祇樹林激流植援得幽深扶風豪士春  
遊騎天竺靈僧夜梵音但恐有人歌白石豈愁無  
地布黃金名賢廬岳關興廢不遣蓮花刻漏沉

爲葉給諫題畫

百疇初調柳葉黃掖垣花綻本禁霜因聲翡翠芳  
洲伴雙引凌霄玉樹長

詠 文華殿菊

塵軟東華侍節歡黃中清借菊枝看曾天合醉商

陳文忠公遺集

練要堂卷二

四

廳館散地教爲擎露盤

二

五色彤雲奉壽盃天章還望賜親裁風華章綬輕  
馳和不見亭亭講殿開

昔

睿藻日弘爰有此紀

西室張琴

龍唇雁足五絲同自是秋商軼漢宮鎮日南薰教  
搏拊徐方先貢嶧陽桐

二

別島蓬萊氣色深真看山水學龍吟經陪遊豫操

新曲合有猗蘭悅 聖心

宋御史大夫黃吏部各出上陵詩見示次

韻和之

金馬新題繡笏囊 諸陵佳氣發秋芳不孤旅食  
重陽過未覺西山信宿忙塞上旌旗連太白城邊  
砧杵斷流黃九天亦望遺弓在欲接達鴻遶樹京  
宿署感懷再次前韻呈宋黃二公

驛使頻探赤白囊低垂青髻負年芳不教射虎千  
人廢空逐聽鷄五夜忙鈴索影移宮月白嵩呼聲  
壓陣雲黃便抽扈從貂冠賜收拾行枚韎韐涼

聞書聲有作

陳文忠公遺集

練要卷三

五

扶風曾隔帳繁露可親帷書不求甚解我常自教  
兒能言隴西烏没字泰山碑今記須叅取南能北  
秀師

投獄夜示在繫諸公

以下多獄中草

環堵曾多半 畝宮南冠相傍幾宵同食隨澤雉神  
偏王夢到天鷄韻轉雄愛客徑須忘下榻懷人何  
事欲書空難憑開落釭花燼差擬幽山躑躅紅

彈琴

紛披暗壁有鳴琴是處相逢卽好音激烈可同燕  
市筑輕盈只當女郎郎砧高山流水渾閒調 明聖

天王亦此心因憶江州醉司馬琵琶曾否淚沾襟  
夜風

蚤悔長颿破浪慵扁舟那得逐吳儂斷橋粗泛圓  
墻柝寒被婁回禁殿鍾開口嘯空成畫虎安心降  
鉢亦真龍請看物候循環遍豈易青陽客歲逢

新月

如昏如曉度孤窓潮落潮生暎遠江宛轉未堪盈  
手贈清虛但使寸心降從低遶樹烏三匝不缺排  
空鴈幾雙處處關山盡延佇何其今夜和新腔

同劉半舫大司空陳玉鉉練任鴻二中丞夜

話

陳文忠公遺集

練要堂卷二

六

命運有旺衰姿顏無美醜如彼退宮人三兩長門  
守君行信比肩我生亦匪後莽莽闔關微弱何  
能扣羞澀度星昏語聲低戶牖稱詩寓好音黠易  
幸无咎古人一飮懷况此捉杯酒主爲開涓滴客  
欲放升斗暫弄明月光差禁霜雪厚梅格與松標  
遂爲歲寒友

恭遇 萬壽節有述

顛倒衣裳自夢中泠泠僊樂聽當空九天尚覺  
龍顏近尺地權將虎拜同聞有光華歌日旦心隨

長久祝年豐著書虞子何繇上吹律鄒生未是窮  
獄中襍咏

搖蕩西風怯一枝孤生形影奈差池  
籬籠杞自閒  
言語教諷波羅幟未遲

二

公子閒遊倍自忙  
被人呼入鬪雞場  
全看不盡虛  
僑氣待祝終旬紀  
消方

三

隣壁書篇散湯開  
從頭歷史說將來  
儒冠總被英雄溺  
爭得咸陽一劫灰

四

陳文忠公遺集

練要堂卷二  
詩

七

伐鼓吹笙賽廟神  
流星熒惑閃冤燐  
青詞道士連章寫  
能附招詳報玉宸

五

勸君中夜歌莫哀  
勸君歲宴莫遲回  
鴛籠賸演書生劇  
好事教尋麴秀才

六

色味難分穢淨天  
百瓢同軟洗冤泉  
行歌乞食今何世  
只當胡麻直一錢

七



木脫天高永巷斜朝喧乾鵲暮喧鴉春來牆上寄生草偏咲玄都舊種花

八

一紀鉛華等是空思君螭首任飛蓬似聞萬歲山前語又近朝元舞蹈同

九

微軀久拚爲當熊豈意丹心應白虹好在隣家莫延蕤到頭休論徙薪功

十

相逢輕薄駕秋雲眊眊何來一路分江夏不憐狂

陳文忠公遺集

練要堂卷二

八

處士灞陵曾辱故將軍

十一

夏勝書從弟子叅公明易是老生談算來只有枯碁道一事精靈百事憨

十二

半榻三生石上安女兒休問淚闌干巖更夜夜催鈴鐸曾記風迴寶塔壇

十三

瓶粟無多攪夜聲東方勞傷氣樓明而今鼯鼠穿墉慣三尺花貓黠自行

夢逐儵鱗共出潭大夫猶解舊時驂莫將身外酬  
知已便帶鄉書到嶺南

乙亥除夕

鼓聲無那動人眠燈燭休煩起竈煙親舍入千難  
計日我辰四十不知年平安尚記雞豚社解脫翻  
爲文字禪聞道 宵衣還避殿願生沉水 御爐

煎

二

晷聲於忽短長吟坐起星移栢樹陰身外風雲從

陳文忠公遺集

練要堂卷二

九

變換靜中魚鳥好飛沉青蒲涕淚黃門業一蹇遲  
廻十載心又報江南路多阻得歸無怨入春深

丙子元日

我皇御曆九回新環佩聲中想玉真對影若爲羞  
舉燭因風不敢望司晨當時鴻爪空遺雪取次花  
枝解笑人獨有加餐相感激今朝權與當盤辛

二

萬水千山悵獨行烈風雷雨黯多驚駭睂却悔閒  
圖畫蝸角誰從息戰爭一往年華矜自愛祇今生  
計澹無營得逢海上安期子容易丹砂絕世情

題畫

幽厓峭壁掃蒼枝雲根雪片立離奇其下三秀挺  
芳蕤天教靈實對伴宜能將妙髓筆工施蜿蜒高  
閒不可羈平明或有乖龍窺紫炁青牛詔是誰請  
詳百十零於斯八千春秋以爲期

借書

多是儒生意未除衝星欲出暗蕭疎世人只解傳  
黃石來讀將軍連屋書

題三教同局圖

三老何曾定一窠雌雄子勢更如何縱橫太極從

陳文忠公遺集

練要堂卷二

十

人看莫誤閒心覆局多

題馬邢畫

彤管絲絲淺澹綠研光斗幅欲生煙因風柳絮翻  
兒戲靜謐知吾石幾拳

小字

小字呼來暗自憐背囊無緒向人前誤因薄惣泥  
中戲浪費成都十樣箋

二

名士風流未信無輕分青眼到菰蘆酌將升斗西  
江水爲泣前魚淚欲枯

三  
靜夜名香且罷薰梅花渾和水僊群蛾睂新月從  
渠學休放歌聲隔壁聞

四

金銀氣色望何迷徐福相從盡卅兮無緣化作三  
青鳥待報銅池羽仗齊

無題

將爲情深喚奈何梅花羌笛蚤吹過銀床似覺牽  
絲短蠟燭無勞濺淚多客與孟嘗終返國家隣震  
澤易生波睂州學士聰明甚不及田間春夢婆

陳丕忠公遺集

練要堂卷二

十一

二

泠泠霜月颯扉開可是佳期薛夜來寶劍足爲如  
意舞明珠長作報恩胎色絲幼婦難爲字暮雨朝  
雲別有臺莫誤秦川寄刀尺菱荷依舊稱身裁

賞花詞

匡牀斗帳淨無塵小有花枝逐節新幾處花飛不  
成醉眼前看醉賞花人

二

脉脉含情望阻修風光到此伴清遊誰言不敢思  
公子能寫花枝一段愁

三

九十風光度曲賒相逢大道問君家  
婆娑玉樹叅天栢饒笑尊前頃刻花

看燈

恰捧摩尼到掌中隙光未恨照偏窮  
侯家多少閒燈火欲傍深宵化彩虹

二

春山自有碧雲凝無限心情儘似水  
窓際落花春不啻教人沉醉幾宵燈

賦得楊柳贈李生

陳文忠公遺集練要堂卷二

十一

誰省新知卽故鄉流鶯千里逐年芳  
青青好在章臺色勞向三眠問短長

二

芳草驕嘶白鼻騮玉河東畔酒帘斜  
今朝風物輕盈得看是楊花是李花

瓶中牡丹

飲日眠雲有剩枝春光強半此披離  
又添一段繁華夢戲蝶遊蜂莫遣知

二

多艷多情絕代妝如何釋恨擬昭陽  
一窓光景陰

晴易就看花神亦不常

三

今雨先生不出門名花相閱兩無言亦知中土傾  
城貴莫誤江蘿楚客魂

題朱成國像

忘却貂冠是角巾蕩搖青翰碧湖春若因山水調  
絲竹千樹桃花爛醉人

送練任鴻中丞出獄赴戍

劍氣微茫貫索開南征一夕盡餘盃天生七尺疆  
場用春意平分雨露來好事定添流寓傳故人教

陳文忠公遺集

練聖堂卷三

三

築望鄉臺可憐百二秦關險不比梁園竹數栽

爲送戶部題壁

海蜃樓臺望幾虛那知如此卽吾廬願生淨土因  
持偈人在深幃解讀書簡點來禽鈎法出殷勤煖  
鴨篆煙餘從過不飲陶然適但撫無絃亦起予

聞練中丞謫連州再送二絕

山擘芙蓉瘴欲收辭親堪作嶺南遊卽今天遠多  
回顧不必同人易播州

二

春雨靡蕪滿路芳秋風一葉下滇淠遠遊是我江

關路不擬懷沙異維陽

俞戚二將軍歌

右序

爲俞武襄子咨臯戚武莊孫司宗世闕猶新八  
尺魁然不爲南北効一劍之用而長分網目酒  
間作歌以屬俞戚亦以自寬也

拋書擬學萬人敵艷說南俞與北戚棒法精靈揮  
少林鴛鴦陣脚無堅壁倭虜稔知嚇姓名流離解  
道避鋒鏑同時樞軸雅推揚談者聞風迸感激新  
書紀功劍經傳豈真難讀誤後賢克邁俞家原有  
種戚宗繩武欲超然况值 君王重延武授鉞登

陳文忠公遺集

練要堂卷三

丙

壇及少年覆盆未被廻曦照櫬槍舉日莽空躔丈  
夫相逢乃不意去年朝審驚奇異不慎魴鱖頓見  
收肯援貌虎終何地戚能出令戲行觴豪轟直插  
糟丘幟俞同每日響楸枰畧排五花經布置酒闌  
棋罷不低回歷歷爲言家世事君不見先朝將將  
整若神昂藏會對刀筆吏

蜀國絃爲許班王作

有跋

酌酒滿叵羅提攜復少年坐客且停唱請賡蜀國  
絃爲君好顏色桃李春溪妍爲君閒刺繡花鳥動  
翩翩輕登九析坂慣下瞿唐船揮手百如意規矩

盡周旋相於亦古禮自異桑間綠悠悠衣帶中誤  
將錦字傳微衷倘不察棄擲等浮煙瞿唐與九折  
此中信倍旃昔爲群所妬今肯爲誰憐衡南渺迴  
鴈西川咽杜鵑借問梁間燕飛飛在眼前欲竟此  
曲起長歎爲君雙歌蜀道難

揭陽許君班王令蜀且調爲忌者所邏繫論部  
獄值其鄉人陳子以懲獲罪執手許君引滿曰  
爲我賦詩逡巡奏蜀國絃一章已聞許君對簿  
有詩帙亦以蜀絃名者則此詩若爲之更其端  
云嗟夫以詩對簿誠爲雅事然亦眼中金玉屑  
也臧是穀非不若兩忘而化於道且旣有許君  
諸詩則此詩尤在所廢耳

詠獄中栢

廟前四五栢矚望踰櫺杙磊落含宿翠閭懍訝新  
穉君看幾霜露積此香林齊喬木亦有時以待來  
者稽使遂神明力挺直拂蒼霓盤桓炊爨下蕭疎  
卧影西園中草不茁足爾據蓬藜奈聽枝間鳥烏  
烏望母啼

古意

驅車上太行不戒成蹉跌漸近嫌疑間信步皆媒



孽梁鴻解作炊猶不因人熱悲哉翟氏門貴賤交  
情別而我嬰百憂斯人幸未絕亟欲免組簪扣關  
代一雪竟此歲寒天又負艷陽節夜雨濕躑衣朝  
林噪百舌井中亦有芹何時任採掇

湯叔寧司理釋繫復任軍前監紀詩以送之  
未解憂天客思繁俄驚雷雨散幽樊書生實許畫  
麟閣使者虛疑司馬門爲郡兩河堪涕淚束身三  
月更飛翻徵黃借冠看流輩曾否人銜國士恩

潞河感述

以下歸舟草

夾道看人叱短驢青門楊柳肯蕭疎開籠寵過乘  
軒鶴得水歡深涸轍魚天外先馳生入夢匣中教  
卷未焚書興公不爲輕饒舌那得尋君賦遂初

二

誇着身名倍自傷千金還忍計垂堂 宮闈慈念  
頻申掬魁象氛占獨厭禳陵谷流遷非我事唉啼  
澹蕩逐人塲虛言奇服生來好不以酬恩缺許長  
舟次清源何采侯計部招飲水月菴延圖同

侍

江津爲問得從容差擬浮家水月蹤遊戲牀頭方  
覓棗提携麈尾亦攀松冰盤先向詩中見曇鉢今

齊物外逢翻咲姑蘇城畔客回船空聽夜深鍾

題水月菴

觸熱逢人自不勝聞寮茗飲當去聲敲水失途時現

抽衣寶欲濟渾如禁足僧禪引一弦凡響寂栢臨

雙蓋妙香凝亦知過去皆漚幻莫話從頭有葛藤

聊城

東海名雄百萬軍城頭一矢逸秋雲爲因輕棹從

衡舌十二諸侯待解紛

張秋

一泓無滯慮合傍鳥聲幽山小初開面雲飛欲竝

陳文忠公遺集練要堂卷二詩

七

頭枕中消伏暑帆外送張秋客路沙汀晚隨魚是

釣舟

掛劍臺

泗州睢寧各有是蹟茲張秋草成劍形特異故賦之云爾

如許豪門雀網新交情況到死生嗔千金寶劍零

荒草要識徐君是故人

夜蟬

枕簟懸崖一倍清颯同胡蝶夢中驚非關捲舌慵

清晝爲續高雲未了聲

南旺

指點職方來禹貢尋思神物表河圖遊心不擬空

濛甚野蓼花鮮南旺湖

月河

鷓鴣鷺鷥逐甚忙儂家漠漠水中央東行簫鼓西  
行輓一路逢迎便不妨

南池

飄泊詩情濟水波津亭無主一經過青氈悵憶依  
還舊零亂芙蓉草露多

太白樓

一抹青齊到酒中黃冠暫與謫僊同任城風月長  
如此曾賞金龜紫極宮

發濟寧

陳文忠公遺集

練要堂卷二

六

思從浮海客亦恐負滄波城闌穿天井溪橋得月  
河仍聞築瓠子一唱采菱歌細雨悠悠去帆前野  
色多

夏鎮逢姚崑斗同年

流水東西蚤自安南陽今下問新湍一鯨銜尾呼  
耶進抵是京漕寸寸難

駱馬湖

亂水無情潑大荒鳴雞聲隱鼓聲長柳家渡口人  
爭渡不認荏苒少裝

青口回流濁浪經三朝三暮雨冥冥津頭空復閒  
延佇忘却秋期第幾星

寄何采侯

近濟鄉心長復消通城如候粵江湖計曹公暇來  
能數河朔杯深興欲飄桑柘幾家流水外木蘭一  
曲暮雲遙不知策杖天門頂飛夢時時度鐵橋

遊金山

靈標矗京口奇壁絕江汭歸風受海潮搖日行天  
際二儀動翻瀾鼓作東南勢枚客虛郵駭郭賦尚

陳文忠公遺集

練要堂卷二

九

零細觸毗蜃紛橫蕩胷鳥孤逝卽測馮夷宮且隣  
多羅寺香氣越浮屠稜縱高厲漂爾金蓮華吾  
將挈其蒂驚覺州岸人三朝失盼睇稽首大願王  
施此永無畏

薄涉北固山登凌雲亭有作

煙霧襍松術嶮峭出雲軒坎巽偕激昂金焦相吐  
吞三山邀託慕一感荀君言嬴秦事望洋見少安  
足存楮衣伐朱方馳道隱曲村椽條戰伐壘荒歇  
豪華墩遠分荆楚渚近擁建業門巡駕跨雄雉飛  
雨挾神鼉我武一何揚相第企旌旛運輓漸今逼

井春靡昔繁徐淮多淪薄南北肆流奔菰蒲蔽新  
田牛羊齧古堦蕭蕭沙中鳴噉噉巖後猿一寄數  
奇子渺若孤蓬根誰將去國歎傷我清秋魂旣翫  
范蠡舟斯返仲尉園

經慧山遊眺

梨谷梅林渴不消頑然生意一癩瓢船輕坐穩吟  
秋水爲試山泉更度橋

二

囊底曾鈔博士經可知罌味半南零爲人一種多  
區別漁父滄浪笑獨醒

陳文忠公遺集

練要堂卷二

三

三

紺字栽松幾易隣華園歌鳥一聲春題詩莫問南  
平客只許青山作主人

四

山上茶煙衣上雲不驚形影碧氤氳迴翔十步梁  
溪子野雉仙鳧乍作群

爲無錫令陳君相跡來就也

始蘇哭年友姚孟長時亦有文大學士之變

舅甥同落海內咸傷訝之

孤客憂思少自揮吳門風雨奈多違書留護法金  
湯在人金同心白水歸蕉鹿夢殘呼不起弓蛇影

杳梅全非素車正及當年約爲問西州更濕衣

舟過長水折六泐爲平湖縣先奉常尸祝在  
焉感逝傷中乃不知其涕之和墨而成詠  
也

雪淚長盈越水湄追趨官舍度花時公車一往三  
年計負版新煩故老思筐筥相將同釋菜星辰何  
許望爲箕傳經亦有諸生在曾爲王裒解廢詩

二

望及桐鄉賦大招懸知華柱定歸遼衣冠欲晦龍  
蛇歲松栢能喧鳥雀朝一字延陵褒不細兩行峴

陳文忠公遺集

練要堂卷二

主

首淚難消餘生可但慙卿長又觸孤懷斷梗飄

西湖遊泛

相思淮海易成翁來話湖山幾個同桂裏烏生方  
八九蓮間魚戲更西東豈關別意渭城舊未免多  
情水調工驚颯六橋天似曉恐吹清怨入雲中

二

便因湖曲試投綸水濶山長正問津名蹟風流隨  
往矣芳洲採擷又何人秋懷不負書千里地主難  
消醉一句若比錢塘潮有信朝朝開老木蘭身

西泠橋看月歌同陳仲因賦

蒼天倒卧芙蓉影雲佩無聲桂華冷自是明湖一  
碧秋無人解何理煙艇林逋放鶴鶴歸乎巢居四  
照供鼃黽蘇家文采落杭州軒雄直逼秋光迥荒  
墩或指六一泉石罅又疑參寥井遨遊何限選關  
干香脂逐隊對修整總贖澹浴鷺鳧無賴蕭森  
入藻荇乍將鼓枻發滄浪倘許懸瓢事箕穎桑海  
未知多變更今故從看卽醉醒南征報道鴈更徂  
上方不聽虬漏永宵深渾奪水僊魂要與奔娥鬪  
奇騁自然灑氣凌風翰縱橫絕跨雙高頂一篷崩  
雲裂石聲亂空碎盡琉璃靜少須剗却十二橋還  
遣波心突孤嶺

陳文忠公遺集

練要堂卷三

三

遊三天竺憩酌冷泉亭同錢瑞星翁水因翁  
叔朗沈漢圭錢賡明吳弘文兄弟

山秋日以親客行至秋仲藁薄間疎森霜色微輕  
重灌木多噫噓慧叟相喚弄躋丘願未銷入谷心  
互動更看九里松乃歷人天洞涓淨石乳流合沓  
海潮送超忽簷葡香妙善蓮華種花龕奇木身曾  
是聲聞總不異四大緣攝受十方衆當指繞煙巒  
密意抽衣縫底是薰修人初回塵勞夢媿矣方凜  
師輕扶籃輿從

林石轉幽演輕陰未廻薄三天靄繚繞一鷺飛岷  
嶓巖洞解延景磬曲復軒廓壽藤掛蝙蝠山果驕  
猴獍獅象已攢列青蒼自雕削增施千佛形匠斧  
亦太作雲液澹山瓢苔衣襲游屨供寫枕漱情大  
槩神魂濯行歌野衲徧豈勝桂子落近知妙賞同  
方稱道朋樂掃蘚續題鐫班荆踰栢杓北岫有餘  
遣南巖竟采藥

韜光菴

靈隱至今疑名菴結在茲欲窺江海際還剪竹松

陳文忠公遺集

續要堂卷二

三

枝白守高招袖金蓮小有池經遊怕相失登頓豈  
言疲

宿吳弘文湖上樓

秋風餘十度燕子爾輕過鄉思登樓減湖光下榻  
多花開雲母帳詩付雪兒歌已自遷延甚幽期更  
若何

翁叔朗館葛嶺之麓夜集有作

好尋副墨子更一水雲區古嶺安雙寺新堤摺兩  
湖螢燈颯流轉漁唄響虛無爲報琅玕實因之下

采符



二  
隣木疎山閣秋鏗靜夜幃七絃風自擦二妙爾應  
知河漢斜空影關山故國思子牟心倍苦近闕有  
旌旗

江頭

望京露布斷聽越竹枝愁時候潮俱改霏微鳥自  
浮樓樓君子意瓊瓊旅人謀卽辨魚龍服何從曲  
直鈞

懷玉登山有武安塔

越風知已遍江國正無垠一塔分圭表三天示寶

陳文忠公遺集

練要堂卷二

古

輪此鄉雖可入予思較誰親俱見山山頂何孤吹  
帽人

重九後二日信州關蓬石明府邀酌一杯亭

亭故趙忠定汝愚祠郡人德公將涓日尸  
祝公觴客其中詠且樂生前一杯酒遂撒  
像而以名亭云

微茫一水界磊落四山稠勝益登高後名偏任達  
留堦燼遲塞鴈楓葉下沙鷗亦作將歸客難勝此  
送秋

二

節後花難見舟邊酒易携空江飛雉堞遠樹越雞

棲朔氣知秋甚軍聲出郡西共將鄉國念瀟灑晚  
猿啼

南浦不泊

秋色何迢遙漚輕舫搖多爲名姓累遂畏友朋  
招霞鶩堪孤起風狔得竝驕南州紛在望興寄一  
長謠

後對菊十絕句

有序

根株微弱年時屯折前度歸隱家園對菊賦詩  
十章不知有今也旋十年而往旣出復歸客舟  
南埜之溼家人載菊一窠秋芳宛然悠演前興  
復如其數蓋呻吟於忽之聲比諸詩騷識者審  
之矣

陳文忠公遺集

練要堂卷二  
詩

三

蒹葭水落冷秋霜鷓鴣山空黯暮芳近嶺黃花倩  
相見田園歸計孰爲長

二

斜風細雨動淒迷暫就旗亭菊不低艇子木蘭張  
翠被爲郎珍護蘂初齊

三

窈窕輕周十歲寒似難栽植易摧殘孤根不肯隨  
蕭艾瓦盎寧移碧玉欄

四

登高重惜是生辰老稚行園嬉菊旬何事餐英不成醉尚留江國賦靈均

五

四海交親枉記存泥封開試酒盃溫十千總向花神醉胡蝶驚飛一枕痕

六

鏡下芙蓉異昔顏篋篋一闕浪如山秋風猶似憐雙髻此度花開不當閒

七

陳文忠公遺集

練要堂卷二

美

會醉餐盤出九天黃花分擲等金錢恠來張翰無佳句剩得風流補逸篇

張翰詩黃花似散金亦自爾爾而李太白遠云張翰

黃花句風流五百  
年或亦偶有契也

八

朝漢臺邊宿霧收呼鸞道上拾芳遊登高懷古須千里人健花明盃一舟

九

世上枯榮石火飄年華曾否駐松喬生憎薜荔逢山鬼無恙長饒耨藥苗

十

歸去來兮自有辭非教紙筆與男兒如今一見閒  
花朵不擬扶鋤學賦詩上延不成一詩

### 放鯉行

客舟歸及胥江口晚潭急槩逢漁婦艇邊一鯉三  
尺強倒側驚衝欲回首奮髻拍腮如有云微茫颯  
與江波瀏問婦所需日幾何相供釜俎只升斗拋  
粟勸婦縱此鯉疑我不誠嗔弗受恨難截致一江  
魚東灘造梁西灘守吁嗟皇天好生豈獨予鱣雨  
腥風亦時有慣知腸腹迺細故徒勞氣力中餐否  
汝父子故事之常心固許魚不可負舉手揚聲送  
鯉去群漁俵俵又無處青天何必龍門遊從容但  
戒來時路

誄

### 陸景鄴先生誄

原任陝西固原道叅政贈太僕寺卿景翁陸夫子  
去歲八月隆德之難聞於京師咸震悼朝著其門  
生禮部右侍郎陳子壯位向西頓擗失聲於時

天子重行卹錄而子壯視禮祇載仰承是未可云  
師弟子之私也 御祭有制皇哉厥辭有司將致

于靈次度禮告成敢又申以不腆之誄曰嗚呼山

摧水立固原聞矣左扞右批又戟鏗矣觸聲奮厲  
髮髯伸矣一息千齡而血新矣嗚呼斯之典賊以  
遲爲功需于飲食馬牛其風雖不見聞亦足以容  
人皆云然而恠莫同嗚呼飛虎騰蛇有繁其類張  
吻磨牙莫之或畏彼亦一麾此亦一隊化爲犬豕  
亦莫之制婦女巾幗亦莫之媿惟靜寧之宵解亟  
隆德之失利豈犄角之不齊咎良馭之憤轡嗚呼  
鰲肩鶻搏蝨漏旁皇關滿繁弱以獵四方東南傾  
蕩西北歛揚曹丕之才十倍北海之志方剛載咲  
載言呼號激昂紀其一二云胡頡頏齠齠緝緝而

陳文忠公遺集

陳要堂卷二

三

孰與共營於此疆也嗚呼辛酉之郵不識耶曰多  
事脊脊何不艱險相置少効累革徒竊食悠悠髀  
肉旋生將縻歲月抵潯陽之九派維江藩之磐石  
紆鬱折而徒黔力艱險其奚惜揮萬衆兮若空三  
山苗兮失宅乍見日兮信信陰其雨兮長積鬼方  
不可與居兮東又涉而曳擲蹇不才放置於海濱  
兮尾采齊之餘跡竝王哀而廢我兮咽馬援之哀  
角人生亦曷有初兮貞九秋而遁迭嗚呼靈出壽  
張蒙來東平擁馬道左洽祖于城跨百雉而雲翔  
綜曹南之風聲思雋健其有餘話唐忽乎未明切

反側之梯緣剗落酒而沾纓欵徐申其云何斯割  
矣而長征嗚呼堯東之人又不可與居兮急牙璋  
於西陝繇固原而耑鉞於寧夏兮旋推轂而沮免  
夏徂秋而焦鑠兮頃升勺之餘喘舞翩翻其若繫  
兮疊平其浪淘之駭轉終不忍見此度兮寧一逝  
而莫返嗚呼小憇何便大愆何愆溝谷嘯咎二弁  
在焉光輝懔懔風馬電鞭曾不頓期而達帝前辛  
壬癸甲委蛻猶鮮桀膽頑顏不其灰烟嗚呼引稽  
山以歸來窵秦關而婆娑昔養士之孰存伊嫠弱  
兮滂沱貊九闕 見別兮曰忠烈之可嘉愾聲容  
而飲食兮吹竽笙而登歌整冠裳而鑄滕之兮立  
翁仲之嵯峨紛白榆之的皦兮耿列耀以無磨嗚  
呼莊爲施而寢言兮牙因期而罷彈彼屈子之得  
宋玉兮魂又招搖于湘干吾孰與脫屣而匍匐兮  
將憇乎靈之所安虞卒哭又近於婦人兮臨西川  
而長嘯嗚呼哀哉尚饗

秋痕

南海陳子壯集生著

記 凡三首

從父軒記

禮部穿廊之右所謂右堂火房也齋于斯省于斯  
飲食憩息于斯諮謀贊襄于斯維時南海陳子承  
乏右堂之餘有修署之役瓦墁堊飾一新堂官執  
例請起初爰於其前軒而題曰從父閣部公卿遇  
大典禮借止斯軒或見名義意之不得而難之曰  
洪範五事言曰從從作父蔡氏順記五行謂言揚

陳文忠公遺集

錄要堂卷三

一

火也火以隸禮而伏生傳又以言屬金而視屬火  
則甚矣五行之紛如也子所職禮也而獨取乎言  
之從何居曰如以禮則書所云夙夜惟寅哉禮  
清盡之矣而子佐禮弗閑者豈以謂是也夫天下  
之不工言莫予若也予諦思夫從父之義而拘於  
是將朝夕出入焉而庶以自箴砭云耳豈以謂是  
也且夫辭有簡而該博理有精而旁通一篇之中  
所謂又用三德又此而已所謂汝則從龜從筮從  
卿士從庶民從從此而已夫疇天子之疇也而臣  
分隸之於五事而舉一誰曰不宜且也官兼 講

惺日說理陳義於 上前自堂牒散後焚香而屏  
慮訂擬疏講先期封達臆識靡遺攷音而熟演之  
以幾希乎啓沃之一當皆言之爲効也夫是以仰  
而企也無稽之言勿聽弗詢之謀勿庸夫是以俯  
而致也汝無面從退有後言當此之時貌也以肅  
思也以睿視聽也以聰明而哲謀皆 主德之所  
爲純備而爲臣者之難以對揚也則繇斯以談五  
事之以敬用而禮之無不敬也舉而槩諸又誰曰  
不宜客曰雖然子之齋省飲食憩息諮謀贊襄于  
斯也不啻親自 都建而有部有部而設左右左

右設而火房系之而子於今處一焉亦傳舍等耳  
徒以已之臆示何也曰子所謂親吾不知其親也  
而所謂傳舍又烏知傳舍哉且夫人生百年自釋  
褐以至懸車多則數十年止耳爲事若事也者雖  
傳親也爲不事若事也者雖親傳也是故入則父  
母而出則君自茲而外壹是皆孰親孰傳者而寧  
獨一軒卽斯軒也以爲親前此者因是矣後此者  
因是矣如以爲傳舍則前之人不及更矣後之人  
又不暇更矣夫然而軒與名皆可永於是略詮其  
義而命堂官顧可久并書之以記載事



罪記

子壯待罪禮官不日不月憂心悄悄不可殫說念太夫人甚曰歸不得因爲宗才改秩一事展轉反側苟不至重罹中心訢然還一官奉老母疏三易草稿成筮之吉謀諸賀宗伯孔少宰咸贊之屬質成於署中黃宗伯黃宗伯贊猶賀孔也有間黃宗伯曰大疏如許而遲回不上非以不佞故耶不佞媿公又不能成公志是重不佞之媿也爲感其意而謝之於是齋沐以十一月十六日親齋疏上矣時上脩省齋居武英殿聽數日傳改票又聽之

陳文忠公遺集

練要堂卷三

三

數日傳有非

祖間親欺罔恣肆字樣且下

駕帖廷杖矣是時內閣嚴峻閣吏小有不密者治連未已而票語乃得傳于予心已異之越二十六日奉旨宗室有文武才能考驗換職正宜公同詳議妥確以聽裁奪陳子壯敢於非

祖間親

欺罔恣肆著革了職刑部問擬具奏身叨九列服事講筵不能仰體

聖心至激雷霆是子壯之

罪也前之大臣付刑部者有矣聞以事未聞以言也以言自子壯始是子壯之罪也

旨內止曰問

擬則是席藁在寓聽問擬于刑部也似矣而政府

使人謂之曰昨疏入 上改容推案此番 嚴旨  
可畏寧小心就獄不爲屈辱毋寧崛強後悔無追  
也予猶記漢史周堪劉更生得罪召致廷尉帝不  
省以爲繫獄大驚曰非但廷尉問耶然則召致廷  
尉卽今之刑部問擬也於是繫獄之說定上延輟  
食痛泣跪請曰大人公忠許國勞苦若此兒將爲  
大人申雪萬不得達則擁母至朝房挽閣老之裾  
哀號十日不得則號十日必脫父然後已予叱曰  
童子何知而輕此言也家書報太夫人乃哽咽不  
能作字強錄上疏之因奉 旨云云當有歸期以

俟後語耳儀司郎中吳君之屏祠司主事李君焜  
門生舉人陳之遴內兄監生黃遂來視以家口囑  
累之皆揮涕慷慨感動路人提攜兒輩送入園門  
夜炊於孫君稍憊一居官監舊有南庫北庫自官  
多庫隘彼中牢錮如某某者增瓦以待後入要十  
緩而得數瓦初覺身之大於地也久之身小而地  
大道家縮形之法禪家觀想之功於此乎悟則海  
外神山極樂淨土亦復如是易曰艮其背不獲其  
身行其庭不見其人正謂此矣遂欲取文王以下  
人事稍著者編爲獄史以劇心不果我思古人名

位勳庸赫於當時其言高行博聲施來者遭此固  
不鮮也而何有於予鄰壁亦有韓非子太史公書  
太白東坡諸詩文隨手覆涉以自遣餘則彈琴一  
曲濁醪一杯與劉司空命一詩俞將軍布一奕而  
已將軍奕下予二道數北更崛強不降也劉司空  
北人操南音悠揚多致有琴歸爨下餘能幾鶴到  
籠開傷已多之句字畫兼工皆所謂猶賢乎已者  
耳或就予談性命之學不應上延曳短短青衣伺  
候邏較羣於蒙頭垢面桁楊桎梏中朝而橐籥夜  
而視寢顏色黃損察其故歸邸則面墻飲泣時作

癩厥入省侍則少瘥黃淑人又善病上延時其亟  
則與傅院使謀湯藥瘥則與諸門生計出父也可  
謂焦穰一日博平侯郭君振明累屬其私附耳曰  
無憂也 皇爺宮中間及若事聖母娘娘正色而  
言 帝欲平治天下奈何殺忠臣至於垂涕 帝

亦爲心動久之好語老先日下且大喜已而更端  
有來告者園中人因來詢予予抑之曰宮中邃密  
外人那得知而子乃爲耳食所哈時將屆萬壽節  
又履端節園中故事是早齊依官班向天北拜議  
者一則謂囚服不宜拜節一則以朝中亦有青衣

小帽拜於墀下者爲例子謂 君親壽考無日忘  
之眇爾罪人庸知改歲乎於是陳子拜 聖節不  
升年節歲杪家人自鄉來尚不知近耗也奉太夫  
人雙襪入綿云擇天赦日手自裁縫丁寧好結以  
趨 朝禦凍者噫嘻奇哉天赦不遂識耶而舉襪  
泣不能結兒從旁結之大母早知天赦何泣焉正  
月初九日御史徐之垣疏曰人臣之事君也以盡  
言爲忠人君之馭臣也以容言爲大 皇上破格  
蒐擇旣薦舉及巖穴矣宗室之英擬行簡擢蓋網  
羅一代之材廣爲國用固亦欲其展慮抒猷非欲

陳文忠公遺集

練要堂卷三

六

取寒蟬仗馬而徒充箠羽也乃禮部右侍郎陳子  
壯獨以宗秩換授一疏仰荷嚴譴臣甚惜之乃者  
皇上諄諄頒諭惟在諸臣各修職業子壯寵叨寅  
清密叅啓沃宗藩大政自其專責則凡杜漸防微  
私憂過計皆職內所得言者使言而當則 皇上  
自賜轉圜使言而未當亦必存懲毖之款譚而恢  
高深之雅量當此三陽履泰載啓 宸幃頒寬大  
之詔恤講讀之勞政惟其時臣言官也夫亦恃其  
所當言者冀無失言責惟 皇上俯賜惠聽使天

卜曉然知 聖主本樂受言不至以言爲諱奉

聖旨陳子壯自問擬奏奪徐之垣不必賣陳自是  
六科顏繼祖等十三道林棟隆等皆有公疏而吏  
部尚書謝陞等太常寺卿李日宣等公疏繼之  
旨略如前於是三月初五日河南司郎中董嗣樸  
初七日刑部尚書馮英左右侍郎朱大啓蔡奕瑛  
兩詣城隍廟鞠問厥衛撰卒環立子壯叩首 龍  
牌供辭云世受 國恩蒙我 皇上再生賜環以  
至今官誓將竭忠圖報妄謂 國家大事職掌所  
關知無不言言無不盡一時愚戇自取罪戾就繫  
三月深思創艾雷霆雨露莫非 主恩總之投誠

陳文忠公遺集

紳壘卷三

七

歸命於 皇上一聽執事之具覆而已不敢復辯  
問官默然是時工科給事中郭君九鼎漳州府通  
判朱君統鈺各有耑疏工部侍郎劉君宗周戶科  
給事中汪君惟效御史葉君初春詹君爾選金君  
光辰刑部主事錢君啓忠條陳疏申抔不一而劉  
君宗周以枚卜召入班行義形於色朱君統鈺以  
宗籍選授排羣咻而申公讜尤人所難云刑部初  
擬杖不允再擬徒得 旨准配贖凡五閱月出獄

時丙子年四月二十四日也而唐王聿鍵先四日  
有疏叅予議禮不合復啓故違格式反覆數千言

欲構之重典幸放釋後二日奉 旨陳子壯已經處分姑不究隨查鴻臚寺得罪諸臣無報名謝

恩之例子壯自惟侍 講筵久蒙 上眷顧恩且

深一旦建議不合草草去 國心難忽然具疏於

通政司謝 恩略寓忠愛依戀之意家人環跪沮

諫禮部書椽不肯應書諸司官聞之亦咸來相勸

天威不可再試也予弗聽疏上得 旨該部知道

乃於前門行叩頭禮哭不能起前門人擁翼之驢

背之上夾路聞聲噴噴嗟嗟不辨爲何語遂出潞

河登舟矣憶天啓乙丑遭璫禍距今乙亥端一紀

陳文忠公遺集

紉夢堂卷三

八

奪官俱在冬月我辰先定卽不上書能無罪耶如之何其弗去也乃昔之去 國門網羅四布門生

吏卒逡巡却避郵舍匿止風聲轉厲視今爲何若

也可不謂非天幸耶夫大雅明哲之義小雅萋菲

之章又可同日語哉旣邁斯難竟以遂歸養母採

章頻上而不加震謂非 主恩之足恃乎故曰不

信乎朋友不獲乎上矣游俠貨殖二傳雖廢可也

陳生之邁者爲省父祖苞備兵寧遠值予有事遂

淹京師先後奔走甚力門生多推其義提 牢月更

主事錢君啓忠其一也獄原自永樂辛丑置行在

刑部於城隍廟西今惜薪司之址正統辛酉改建  
刑部於金城坊而獄麗焉地窪如釜淫雨多浸幸  
不值浸時雖春分草不生燕不來中有廟祀獄神  
爲臯陶相沿坐繫黃門北寺獄皆祭臯陶云左祀  
火神右祀關漢壽後又於其旁增供大士廟門栢  
樹磊磊井鑿自某年孫主事某名曰洗冤人皆德  
之同時則張總督我續劉總河榮嗣陳總督奇瑜  
練巡撫國事楊通政建烈鄭吉士鄭吳御史振纓  
盧御史經張御史壽祺吳吏部羽文陳吏部觀陽  
董吏部直愚鄭吏部鳳來萬戶部國孚宋戶部開

陳文忠公遺集

勸業堂卷三

九

春趙戶部秉衡王戶部珍錫倪戶部嘉慶黃戶部  
景胤曹戶部燁郭戶部昭封胡工部璉馬工部權  
奇楊評事鼎樞申布政紹芳張叅政耀采申憲副  
爲憲胡提學澥宋僉事之雋戈僉事尚友鄭僉事  
寅苗知府自成鄭同知師玄湯推官開遠周推官  
志昌王通判濟顧通判咸淳孫知縣曰紹賀知縣  
儒修梁知縣衡許知縣國佐成知縣德孫知縣鵬  
喬知縣淳李知縣嘉彥李知縣春華牛知縣養傑  
毛知縣呈鳳姚知縣麻陳知縣穀宜知縣謙朱勳  
衛蓋臣項揮同震僉總兵咨臯徐總兵鎮都孟總

兵道丘副總磊張副總應時張副總致雍曹副總  
九環戚都司司宗楊都司如桐林都司天庚程大  
使品而未司禮晉鄭東廠之惠亦在書官何也罪  
之各以其官也其因申揀而復職監紀者湯推官  
開遠允徒而復職者張副總應時也允徒而出獄  
者吳吏部羽文趙戶部秉衡允戍而出獄者練巡  
撫國事楊評事鼎樞也其擬上而駁者不勝駁也  
從錦衣衛送刑部者盧御史經胡提學解從刑部  
送錦衣衛拷問復還刑部者張御史壽琪也病故  
者張叅政耀采苗知府自成孫知縣曰紹張叅政

病革日見弓吏部省矩焉其居也乃弓自經之所  
其故也恰周年正月十五日異也十二月初四夜  
有火光大如斗行獄中衆皆驚呼初六日辰刻日  
旁有三暈久之乃散正月十五日昧爽月食三分  
皆異之可紀者也自予未蒙譴之先觀象者云三  
能晦蝕而以予當其應閩人有鄭仰田者以術行  
京師人比之管輅就獄中筮予曰疇昔之筮不吉  
耶而又何筮爲拈壁間畫示之鄭曰畫不宜施此  
公豈宜至此耶然公之出獄必盡四月畫字類之  
矣其言多牽附亦頗有奇中者一頭陀竟不知其



名無冬夏赤脚一衲之鉢長安街得則入以周羣犯羣犯因負賊而累歲不得出痍灰者不勝數也子擇其賊約者代輸之等而至漸多則募於諸公力輸而速之出者亦不勝數也是皆失其名亦不欲名之也

### 遊金山記

崇禎丙子七月庚申自瓜步渡楊子江旣入京口別駕劉君逆予之有意於金山也乃選江舟劉君先至導之禮大雄殿憩禪堂酌泉中冷飲於洪公祠待景稍薄然後歷磔而登藏經閣翫爲畱玉蘇

陳文忠公遺集

練要堂卷三

十一

東坡佛印像在焉新飾曬經臺殊軒敞可觀郭弘農祠則荒然躋於金鼇峯之頂爲薦慈塔馮高灑酒北岸淮揚輸委南則京峴北固諸山綿亘翔翥而接其上龍盤虎踞爲金陵三國六朝之所偏安我朝王氣之所獨鍾乎而焦山卽當其下流檣烏與魚龍出沒澎湃以注海門又宜乎曹丕有天限南北之歎謝朓有日夜未央之悲也自有此山晉破苻堅俘其下韓世忠亦以八千人敗兀朮數萬之衆左思吳都賦云嚮戎旅乎落星之樓蓋形勢之地靈之効順良非矯誣時語次未竟而風物轉

厲矣乃循覽頭陀巖唐裴頭陀開山獲金於此驅  
蟒蛇亦名蟒洞復循洪公祠得玉帶橋可周迴山  
足返舟旣濟浪乃遂大作是山也來自五州山至  
下鼻浦突出江中不可摸捉晉名獲苻紀事也又  
訛互父曰伏牛曰龍游者從其類也曰浮玉與焦  
俱也而金山則梁天監中卽金山修水陸儀已有  
其名不因頭陀獲金始矣中泠泉舊在對島郭璞  
墓之下相傳龍王語入定僧寶印汲水者有污龍  
宮不宜震動與輪藏巨鐘並禁謂之三禁故鑿今  
井此亦寺僧因取水之艱神其說云然然井去江

陳文忠公遺集

練要堂卷三

三

丈許而其水乃高於江水不可謂非異也類集云  
水至金山分爲三瀆李德裕所取爲中泠水記從  
南零蔡祐竹窓襍記石排山北謂之北瀆是數者  
孰知水之正處張又新劉伯芻皆以爲第一泉矣  
陸羽茶經爲第七又孰知水之正味哉玉帶之事  
按洪覺範僧寶傳載蘇公得釋還吳以書抵佛印  
禪師了元曰不必出山當學趙州上等接人元得  
書徑來獻偈趙州當日少謙光不出山門見趙王  
爭似金山無量相大千都是一禪牀贈公衲裙公  
歡喜以玉帶作二偈酬之而俗傳因借四大爲坐

下轉語不得而輪帶者妄也今妙高臺下猶有公  
爲元書楞伽經遺址因憶吾南海靈洲亦名金山  
郭璞所謂盛衣冠之氣者而公遷謫過其地題詩  
曰靈洲山上寶陀寺白髮東坡又到來前世德雲  
今我是依稀猶記妙高臺此二事可以互見然大  
都善此山者不在山以內按圖而求故諸雄奇驚  
忽變現排蕩於山之周廓無際者而我於中挹受  
焉心魂不爲其所攝耳目不爲其所易則幾希矣  
予弱冠遊海內于今二紀渡京口數四矣或王程  
之逼或風颿之駛每倚棹而望一若相揖乎金鼇  
之背也今蒙 聖恩釋纍而南遊蹤頗逸復有劉  
君殷勤以成吾志如使先酉風於午遊其可決乎  
哉凡物之情久而後得之者其快也乃愈甚乎倏  
得於山久要黻予若者而快可知已乃勒歲月授  
之山史郡太守聞之追昨之不能從也者而敦約  
焦山會風雨不果夫地主之意則善矣旣得隴又  
望蜀乎豈予所以待二山也太守姓印名司奇湖  
廣桃源人劉君名澤寬廣東英德人

